

Seipone

Etela: <http://seiponemadireng.co.za>



R1

E THEKGWA KE mdda MEDIA DEVELOPMENT & DIVERSITY AGENCY



22 PHEREKGONG - 04 DIBOKWANE 2025 (22 JAN - 04 FEB 2025) KURANTA YA GAGO KA SEGAGAGO

CAPRICORN | MOPANI | WATERBERG | SEKHUKHUNE DISTRICTS

f Rata letlakala la rena : Seipone

GA SE RA FIHLE MO RE YAGO ...



Premier Ramathuba and MEC Lerule-Ramakhanya

profense e hlatlogile go tšwa maamong a bošupa go ya go a botshela Afrika Borwa ka bophara.

Ramathuba o re go a hlohleletša gore barutwana ba go feta 90 000 ba kgonne go fetša marematlou a bona ka 2024. Selete sa t h u t o s a Mogalakwena se di gogile pele ka go hwetša palomoka (total) ya 87.8% ya barutwana, Mopani West ya hwetša 87.2% maamong a b o b e d i m o l a Vhembe East le Capricorn South di hlakanetše maemo a boraro ka go hwetša 85.8%.

"Re ile go etiša pele bokgoni, kudu bja go hwetša dipoele tša patšhola (bachelor) ka nepo ya gore profense ya rena e be ka

gare ga tše hlano tša maemo a godimo (top 5) tša go kgona ngwageng wo wa 2025.

O re o kgopela gore setšhaba se se felele mmušo pelo ge o nyaka bokgoni bja maleba dikolong tšeo di hlokago ntle le go gapeletšwa gore o thwale bana ba mobu, kudu go dithuto tša saense (science), theknolotši, entšineering le dipalo moo dikolo di šalelago morago gona.

Tonakgolo o re ge ba keteka katlego ya bona, ba swanetše go gopola gore go sa na le mošomo wo o swanetšego go dirwa, kudu seleteng sa Sekhukhune.

"Re swanetše go thekga go fola ga megopolo (mental health) le mebele ya barutwana mafelong a rena a thuto. Go bohlokwa kudu go dira mafelo ao a hlwekilego a bile a bolokegilego gore barutwana ba kgone go bolela tša mafahleng a bona ba lokologile," a realo. >>>02

MOGALE SEKWELA

POLOKWANE: Profense ya Limpopo e hweditše dipoele tša 85.1% go marematlou a 2024 mme ye ke kaonafalo go

tšwa go dipoele tša 79.5% tša 2023. Nakong ya ge a ala dipoele tša profense ka go naba go la Polokwane ka Labobedi, 14 Pherekong 2025, Tonakgolo Ngk Phophi

Ramathuba, o re ke mathomo go tloga mola go humanwago tokologo ge profense ya Limpopo e fetile mollwane wa 80% dipoelong tša mphato wa marematlou. Gabjale

Premier Congratulates the Matric Class of 2024



Congratulations!

You have raised the bar of the matric pass rate results from 79.54% in 2023 to 85.1% in 2024

Best wishes for your further studies



Limpopo Premier Dr Phophi Ramathuba

The heartland of southern Africa - development is about people

<https://www.limpopo.gov.za>

#7th Administratio

#diloditshentshitse



LIMPOPO PROVINCIAL GOVERNMENT REPUBLIC OF SOUTH AFRICA



MASETLAPELO A MAFULA SETENG SA WATERBERG

Tonakgolo ya Limpopo, Ngk. Phophi Ramathuba, a felegeditšwe ke dikemedi tša bahlankedibagolo ba mmušo, o etetše mafelo a go fapana seleteng sa Waterberg go iponela ka noši tshenyoye e hlotšwego ke mafula a dipula tšeo di tšhologilego kgauswinyana. Kemedi ye e be e akaretša Molekgotlaphethiši wa Mešomo ya Setšhaba, Ditsela le Mafarahlahla, Mna Ernest Rachoene, Meyaraphethiši wa Masepala wa Selete sa Waterberg, Cllr Jack Maeko le meyara wa masepala wa

selegae wa Modimolle-Mookgophong, Cllr Sechele Sibulai. Ba etetše mafelo ao a rilego ao a amilwego gampe go akaretšwa Wate 12, mmila wa Chris Hani fao leporogo le sentšwego gammogo le Wate 8, Phomolong, fao tsela e sentšwego. Ketelo ye e laetša boitlemo bja mmušo bja go šogana le ditlamorago tša mafula le go humana ditharollo tša go aga leswa le go boetša ditšhaba tšeo di amegilego maemong a go kgona go tšwela pele ka bophelo. Gona seleteng sa Waterberg, mafelo a go swana le GaSeleka



E nngwe ya ditsela tša go senyega seleteng sa Waterberg



Tonakgolo Dr Phophi Ramathuba o lekola ye nngwe ya ditsela tša go senyega seleteng sa Waterberg

le ditikologo tša kgauswi le tšona di amilwe kudu ke mafula. Ge o feta ka tsela ya R572 go tšwa mollwaneng wa leporogo la Grobler o lebile Lephalale, o be okare tsela e sepela gare ga lewatle. Karolo ya motse wa GaSeleka ya go bapa le tsela ye e be e kgamilwe ke bodiba bja meetse ka mathoko ohle. Bogolo bja tsela go tloga

GaSeleka go fihla Lephalale go be go bonala maphaaphaa a meetse ka mathoko ohle a tsela fao dithokgwa di bego di itaetša di bipetšwe ke meetse. Go se swane le dilete tša Capricorn, Mopani, Vhembe le Sekhukhune fao go nago le mebototo, dithaba le magologelo, ditaetšo ke tša gore bogolo bja selete sa

Waterberg ke naga ya go ikala yeo e se nago mebototo le magologelo fao meetse a kgonago go kitima ka lebelo. Mola se se na mebototo le magologelo, selete sa Waterberg se na le dinoka tše dintši tša go ahlama gomme ge pula e tšhologa ka maatla, meetse a hloka fao a ka elelelago gona ka lebelo. Se se dira gore bogolo bja selete bo hupe meetse ao a hlokago boelelo nako e telele.

KGOŠIGADI MASALANABO MODJADJI O TŠWELETŠE GO MAREMATLOU

Kgošigadi 'Monešapula' Masalanabo Modjadji VII (18) wa setšhaba sa Balobedu o dirile histori. Se ke ka morago ga gore a tšwelele gabotse dithutong tša gagwe tša marematlou mme se se mo dira gore e be yena Kgošigadi ya mathomo ya Balobedu ya go fetša dithuto tša marematlou. Kgošigadi Masalanabo o tsebagaditšwe semolao bjalo ka Kgošigadi ya Balobedu ke Presidente Cyril Ramaphosa ka Manthole 2024. Gabjale ba lapa la bogoši gammogo le setšhaba ba ikgantšha ka katlego ya gagwe ka ge e le sešupo sa maikemišetšo a gagwe a go šoma ka thata. Se ke ka lebaka la gore maikemišetšo a gagwe go tša thuto a ba bjalo ka tlhohleletšo go baswa ebile e le mohlala o mobotse go bohlokwa bja thuto go fihlelela tše dibotse.

Bjale o lebeletše go tshela mollwane o mongwe ka ge mahlo a gagwe a lebeletše go tšwetša dithuto tša gagwe pele yunibesithing. Mokgoma yo mogolo wa mošate wa setšhaba sa Balobedu, Ngk Mathole Motshekga, o re Kgošigadi Masalanabo o ba makaditše kudu ka moka.

“O fetile leetong le boima kudu nakong ya ge a gola ka gore ge a thoma go dula le rena, o be a fetola dikolo kgafetšakgafetša. O ile a palelwa ke go ya mphatong wa mathomo (Kreiti 1) nakong ya ge re mo hweletša sekolo,” a realo.

Ngk Motshekga o re ba ile ba swanelwa ke go nyaka barutiši ba ka thoko le go mo hweletša dithuto tša tlaleletšo go mo thuša.

“Re ile ra hwetša sekolo mme a thoma ka mphato wa bohloko. O thabile ka ge a tšweletše



Kgošigadi Masalanabo Modjadji 2

lebakanyana. gabotse dithutong tša gagwe ka gore o šomile ka thata,” a realo. O re Kgošigadi Masalanabo o thabile go ba Kgošigadi ya mathomo ya Balobedu ya go fetša marematlou mme o nyaka go tšwela pele ka go tšwetša dithuto tša gagwe pele. “Re gare re boledišana le

yena ka taba ya dithuto tša gagwe ka gore re rulaganya moletlo wa wa go mo hlomamiša semmušo bjalo ka Kgošigadi ya Balobedu,” a realo. Motshekga o re Kgošigadi Masalanabo o nyaka go ithutela tša molao goba tša tlhabollo ya leago ka ge di tlo

kgona go tšweletša setšhaba sa Balobedu. “Se ke ka lebaka la gore o etile pele setšhaba sa sebjalebja, ka fao o nyaka go ba Kgošigadi yeo e rutegilego gore a kgone go fihlelela maemo a batho bao a ba etilago pele,” a realo. Moletlo wa wa go hlomamišwa o ile go dirwa ka kgwedi ya Hlakola 2025.

GA SE RA FIHLE MO RE YAGO ...

Ramathuba o dumetše gore go na le mathata a basetsana ba go ima dikolong “Go bohlokwa gore re šomišane le setšhaba go tliša thekgo le didirišwa go thuša baswa ba rena go atlega. Barutwana ba swanetšwe go rutwa ka go phefa go ima e sale bana mme bao ba imišago bana ba swanetše go otlwa ka ge ba senyetša bana ba rena bokamoso,” a realo a hlohleletša bao ba paletšwego ke go tšwelela gore ga se mafelelo a bophelo empa seemo sa bona ke sa

Molekgotlaphethiši wa Kgoro ya Thuto, Mme Mavhungu Lerule-Ramakhanya, o re o thabišitšwe ke gore ba šutile go maemo a bošupa go ya go maemo a botshela.

“Re profense yeo e nyogelago godimo. Re dira bjalo re tshela mellwane ebile re keteka bokgoni. Re phethagaditše tshepišo ya rena efela ga se ra fihla mo re yago,” a realo.

EXXARO E DIRILE PEELETŠO YA DIMILIONE SEKOLONG SA NELSONSKOP



MEC wa Thuto, Mme Mavhungu Lerule-Ramakhanya o farafarilwe ke bahlankedi ba thuto le baetapele ba Exxaro

MARAPONG, Lephallale: Limpopo Exxaro Resources e thakgotše ngwaga wa 2025 ka mokgwa wa makgethe wa go dira peeletšo ya go ja dimilione Sekolong sa Praemari sa Nelsonskop lekheiseneng la Marapong. Peeletšo e akaretša diphapoši tše diswa tša borutelo tše nne (4) le holo ya sekolo. Sekolo se se kgauswi le moepokgoparara

wa khamphani ye wa malahla wa Grootgeluk mo Lephallale. Peeletšo ye ke karolo ya morero wa khamphani ye wa Leano la Mošomo le Leago (Social and Labour Plan goba SLP) le maitekelo a yona a go phagamiša le go matlafatša ditšhaba tše moepo o hlomilwego go tšona ka go šogana le dikgala tše bohlokwa tša tšhalelonthago go ya ka mošito wa dikokwane tša

leago. Projeke ya Nelsonskop, yeo e lekanyetšwago go R7 milione, e emetše peeletšo ya go bonala go bokamoso bja baswa mme e letetšwe go hlola menyetla e meswa go thuto le tlhabollo ya setšhaba tikologong ya Lephallale. Go feta fao, peeletšo ye go mafarahlahla a meago e nepilwe go hlola tikologo ya go bolokega yeo e nolofaletšago barutwana go

ithuta, go dira dilo le go phadima dithutong. Magato a a phagamiša bohlokwa bja tirišano magareng ga makala a setšhaba le a praebete.

“Bjalo ka khamphani, re dumela gore thuto ke motheo wa diphetogo le tlhabologo. Ka lebaka leo, ka go aga diphapoši tše le holo ya sekolo, ga re thekge feela barutwana gore ba kgone go fihlelela ditoro tša bona eupša gape ke go tsenya letsogo go tlhabologo ya nako e telele ya setšhaba seo e lego baamogedi ba rena. Re kwešiša gape gore re ka se kgone go dira se re nnoši gomme ka lebaka leo re leboga tirišano ya rena le Kgoro ya Diminerale le Methopo ya Petroleamo, Kgoro ya Thuto le Masepala wa Lephallale go re thekga go phethagatša projeke ye ya boteng (boleng) bja godimo. Re a amogela gore lefaseng la lehono, dipoledišano magareng ga bakgathatema di nyaka tirišano go fihlelela dinyakwa tša ka pela tša setšhaba,” gwa realo Riaan Koppeschaar yo e lego Molaodiphethiši wa

Motšwaoswere wa Exxaro.

Sekolo sa Praemari sa Nelsonskop se magareng ga dikolo tše 25 tikologong ya Lephallale tše o di kgomaganego ka inthanete ka Wi-fi yeo e loketšwego ke Exxaro. Se se dirwa go fihlelela dinyakwa tše o di fetogago ka lebelo tša theknolotši yeo e šikinyago dilo le go gokara ditharollo tša go makatša tša nako ya titsithale.

“Bjalo ka badirišani ba leago intasetering ya meepo, re na le boikarabelo bja mohlakanelwa bja go gapeletša le go obamela tlhabollo le phethagatšo ya SLP go phagamiša boiketlo bja leago le bja ekonomi bja Maaforikaborwa ka moka. Ka go dira bjalo, ditšhaba tše o di amilwego ke meepo le ditikologo tše o di romelago bašomi, di swanetše go holega ka fao go bonalago go mediro ya meepo le mahumo a diminerale a naga,” gwa realo Motlatšatona wa Diminerale le Methopo ya Petroleamo, Phumzile Mgcina nakong ya ge a bolela.

KWEŠIŠA DITSELA TŠA GO THIBELA PELEGO

IKAGENG MOROASWI

POLOKWANE: Go ima ga baswa e sa le tlhobaboroko. Mafelelong a ngwaga wa go feta ka kheresemose, Molekgotlaphethiši wa Maphelo, Dieketseng Mashego, o swabišitšwe ke go bona lekgarebe la mengwaga ye 13 le le magareng ga bao ba belegego. Go butšwe molato wa go kata le go robalana le ngwana wa mengwaga ya tlasana kgahlanong le lesogana la mengwaga ye 28 yo go dumelwago gore ke yena modiri wa ditaba tše.

Na go ima ga baswa go ka thibelwa bjang?

Ithute ka mekgwa ya go thibela pelego. Mokgatlo wa Lefase wa Maphelo, e lego WHO, o hlalosa go re: “Go thibela pelego go ka thuša go efoga go ima mo go sego gwa beakanywa. Go thibela pelego go arotšwe ka mekgwa e mebedi: wa mathomo ke go laola dihomoune tša mosadi ka go šomiša dipilisi tša go thibela pelego le dilo tše o di tsenywago mmeleng wa mosadi le ditšhwaana. Mokgwa wo o šoma ka go laola dihomoune go thibela go lokollwa ga mae ao a ka hlolago go ima”

“Go na le mekgwa yeo e sego ya ithekga ka go laola dihomoune. Yona e akaretša go diriša dikhontomo, didirišwa tša koporo tša ka gare ga popelo (IUD) le mekgwa ya tlhago ya go

lebelela matšatši a mosadi ao a bolokegilego,” gwa realo WHO.

E hlalosa gape gore “Mokgwa o mongwe le o mongwe o šoma ka tsela ya moswananoši. Mohlala, dikhontomo di šoma go thibela peu gore e se fihle go lee mola diIUD tša koporo di dira gore go be bothata gore peu e nontšhe lee. Se se ra gore motho yo mongwe le yo mongwe a ka kgetha mokgwa wa go mo swara gabotse”.

“Go dumelwa gore

dithibelapelegi di a šoma. Dilo tše o di tsenywago mmeleng le diIUD tša dihomoune di šoma go fihla ka godimo ga 99%. Dikhontomo di a šoma ge di šomišwa ka mokgwa wa maleba eupša di ka palelwa ka lebaka la diphošo tša go swana go thubega goba go dutla. Mekgwa ya tlhago e nyaka go latišišwa ka tlhokomelo gomme ga e tshepagale kudu.” “Le ge go le bjalo, batho ba ka fela ba ipotšiša gore na go thibela pelego go ka se tlogele

ditlamorago tše dišoro mebeleng ya bona. Bontši bja mekgwa ya go thibela pelego e bolokegile kudu. Le ge go le bjalo, batho ba bangwe ba ka ba le ditlamorago tše mpe. Mekgwa ya go laola dihomoune ka dinako tše dingwe e ka baka go fetoga ga boima bja mmele goba go fetoga ga maikutlo. Mekgwa yeo e sego ya dihomoune go swana le diIUD tša koporo e ka dira gore mosadi a ye ga boima matšatšing. Dikhontomo di

bolokegile gape di šireletša kgahlanong le ditwatši tša thobalano (STIs)”, gwa realo WHO.

Mashego o re: “Ke eletša batswadi gore ba tsebe lephelo la bana ba bona. Ge ba lemoga gore bana ba bona ba tsenela tša thobalano, ba ba iše kliniking go ya go thoma lenaneo la dithibelapelegi. Ge ngwana a šetše a imile ka mpa yeo e sa nyakegego, a ka išwa bookelong go ya go fediša mpa yeo mahala,” a realo.



MEC Dieketseng Mashego wa Kgoro ya Maphelo

LESOLO LA GO TSOŠOLOŠA LE GO MATLAFATŠA DIKGWEBOPOTLANA

POLOKWANE; Khamphane ya difatanaga ya Jaguar e hlwele e swere lesolo la yona la go ralala le mebila ka difatanaga tša yona mo toropong ya Polokwane. Lesolo le le hlomilwe ka nepo ya go thuša dikgwebopotlana le mabenkele a magaeng le a makheišeneng ao a fokolago le ao a šetšego a phuhlame go boela maemong a bophelo. Khampane ye e lebeletše go thuša dikgwebo tša palo ya go lekana 1500 mo profenseng.

Mna Joseph Mashita, yo e lego Modulasetulo wa bosetšhaba wa khamphani ye o re: “Lesolo le le nepilwe go tsošološa dikgwebo tša makheišeneng le tša dinagamagae, go emiša ka maoto le go matlafatša borakgwebopotlana le dikoporasi ka go kaonafatša ditiro tša bohlohlakgwebo (entrepreneurship) le go šušumetša kgolo ya ekonomi. Lesolo le le nepilwe go matlafatša ditšhaba, go fokotša tlhokego ya tekatekano le go theoša dipalopalo tša go hloka mediro. Gape lesolo le nepilwe go ba le seabe go boiketlo le tlhabollo ya ditšhaba tšeo peleng di bego di gateletšwe, kudu makheišeneng le ditikologong tša dinagamagae tša Aforika Borwa.

“Seo se dirgo gore lesolo le le be le maatlakogedi, e be la

nako ya maleba, le kgone go tšwetšwa pele le katlego ya lona e kgonagale go elwa, ke ka gobane le ithekgile ka tlhabollo ya kgwebo le kabo ya ditirelo. Lesolo le ithekgile ka go nyaka go aga dikgwebo tše 1 500 tšeo di lego gona le tšeo di lekago go tsoga, dikgwebopotlana tšeo di gogago ka kgara, dikoporasi le mabenkele a dispaza gammogo le dikgwebo tšeo di šetšego di phuhlame tšeo re tlogo di rapa. Re ya go alamela dikgwebo tše, ka go di beya ka tlase ga taolo ya dikgwebo tša go di feta lebaka la dikgwebo tše lesomepedi (12). 30% ya thekgo ya rena e akaretša go ruta borakgwebo ka sekolong go ba fahlela ka tsebo ya tshepetšo le taolo ya kgwebo mola 70% e le ya go dira mediro ya kgwebo thwii fao baithuti ba tlogo ba le benggae ba go ba feta ka tsebo ba dikgwebo tša go swana le tša bona bao ba tlogo ba ruta tša tshepetšo le taolo ya dikgwebo. Tlhahlo ye e akaretša taolo ya kgwebo, go godiša le go katološa kgwebo gore ge nako ya go alamelwa e fela, ba be ba tseba gore na dikgwebo di sepetšwa bjang,” gwa realo Mashita ge a hlalosa ka go naba.

Mashita, ge a tšwela pele, o laeditše gore go fihlelela pono ya bona, Lesolo la Tsošološo le

Matlafatšo ya Dikgwebopotlana tša Makheišeneng le tša Dinagamagae le hlomile metheo yeo e tlogo dirišwa go ela phihlelelo goba go palelwa ke go fihlelela dinepo le maikemišetšo tšeo di boletšwego tša lesolo. Dinepo le maikemišetšo a lesolo le di akaretša Phafogelo ya Bohlohlakgwebo (Entrepreneurship

Awareness), Tlhabollo le Thekgo, Mananeo a Tlhahlo ka Tlhomo ya Dikgwebo tše Diswa, Thekgo ya Tlhabollo ya Kgwebo, Go Humana Mašeleng a go Hloma Kgwebo, Methopo ya Thekgo ya Mašeleng, bjalojalo.

“Lesolo le le nagana gore kgwebo ya ‘Mabenkele a Dispaza’, ke kgopolo ya kgwebo yeo e tšwago le go thoma mo Aforika Borwa ...

ke kgopolo ya rena. Re nyaka gore ditšhaba tša gaborena di eme ka maoto le go tšeya gape taolo ya kgwebo ye ya wona - Mabenkele a Dispaza! Ditšhaba tša gaborena – esego batho ba bangwe – di swanetše go tšeya taolo ya ekonomi ya makheišeneng le ya dinagamagae. Re na le maano a go thuša ditšhaba go thoma, go laola le go godiša dikgwebo tša tšona tša Mabenkele a Dispaza



Bašomi ba khamphani ya Jaguar le boraditaba pele ba thoma ka lesolo la bona la go thuša dikgwebopotlana

NA DIKGOHLANO KA BOGOŠI BJA BALOBEDU DI TŠWELA PELE?

MOGALE SEKWELA

BOLOBEDU: Ntwa ya bogošiša bja setšhaba sa Balobedu e bonagala e le kgole le go fela.

Kgošana Lekukela Modjadji wa setšhaba sa Balobedu o re magato a moalo mabapi le go hlatha yo a tla dulago setulo sa bogošiša bja gabo a dirwa ke batho bao ba nyakago go senya lefa la gabo ebile ba nyaka go

tšeya setulo sa bogošiša go tšweletša dikgahlego tša bona. Kgošana Lekukela o be a bolela le boraditaba diofising tša mošate wa Modjadji go la Khehlakoni ka ntle ga Bolobedu ka Mošupologo, 13 Pherekgong 2025.

O be a boela ka morago ga gore Mopresitente wa naga, Matamela Ramaphosa a

kwalakwatše go amogela ga gagwe ga Kgošigatšana Masalanabo Modjadji bjalo ka Kgošigadi ya Balobedu semmušo.

Lekulela Modjadji o re ga se ba thabišwe ke sephetho se ka ge se lebeletše lehlakore le tee. “Tiragalo ye ga e nyatše feela setšo le ditshepedišo tšeo di dirwago ke ba lapa la bogošiša ebile ke go nyefola

setšhaba sa Balobedu seo se tsebago gore tshepedišo ya sephetho sa go kgetha wa go dula setulong e gare ga setšo sa rena,” a realo.

O re yena le ba lapa la bogošiša ba tsebile ka sephetho sa Presitente Ramaphosa matlakaleng a leago.

“Ga se re tsebišwe ka sephetho seo mme le mmušo ga se o boledišane le rena go

re hlalošetša mabaka a sephetho seo. Se se tlogetše ba mošate ba gakanegile,” a realo.

Kgošana Lekukela o re go a nyamiša gore mmušo ga se o bone go le kaone go ba le dipolelišano tša maleba le yena gammogo le ba lapa pele sephetho seo se ka phatlalatšwa.

“Re nyamišwa ke tsela yeo mmušo o hlokomologago setšo le meetlo ya rena ya go hlatha yo a ka dulago setulo sa bomma sa bogošiša mme wa tšwela pele ka go nyefola sephetho sa lapa la bogošiša seo se tsebešitšwego semmušo ka Moranang 2021,” a realo.

O re sephetho seo mmušo o se tšerego se beile sebopego sa bona kotsing mme go hlatha Kgošigatšana Masalanabo bjalo ka Kgošigadi ya Balobedu ntle le go ba tsebiša go šikinya tlhompho yeo e bego e le gona magareng ga mmušo le ba lapa.

Ka ntle le ditiragalo tše ka moka, Kgošana Lekukela o re ga a lwe le moratho wa gagwe, Kgošigatšana Masalanabo, le ge e le gore go na le bao ba lekago go ba kgaogantšha.

“Ke kgopela fela kgaetšedi ya ka gore a nagane gabotse mme a bowe gae gore re kgone go lebeledišiša lefa la mma wa rena ka tsela ya maleba,” a realo.



BAOKI BA ŠULAFADITŠWE KLINIKING

MOGALE SEKWELA

GACHUENE: Kgoro ya Maphelo mo Limpopo e tšere sephetho sa go tswalela kliniki ya GaChuene lebakanyana. Se se tla ka morago ga pego ya gore kliniki ye e tlo bulwa ka morago ga go tswalelwa matšatši a mane 4 motseng wa GaChuene ka ntle ga Polokwane.

Go tswalelwa ga yona go tla ka morago ga tiragalo ye šoro moo baoki ba babedi ba mengwaga ye 28 le 47 ba swerwego poo, ba tšewa ka kgang mme ba katwa nakong ya ge ba šoma bošegong bja Labohlano, 10 Pherekong 2025. Gabjale kliniki ye e ile go tswalelwa go fihla nakong yeo e sa tsebjejo.

Mmoleledi wa Kgoro, Neil Shikwambana, o re sephetho se se tla ka morago ga tekolo ya seemo sa tiragalo yeo e amilego bašomi.



Kliniki ya GaChuene e tswaletšwe go fihla nako yeo e sa tsebjejo

“Ka morago ga go gopolela seemo sa baoki, kudu megopolong le mebeleng ya bona ka morago ga tiragalo ye gammogo le go lekodišiša polokego ya bona, Kgoro e dumela gore go kaone kliniki ye e tswalelwe lebakanyana,” a realo.

Shikwambana o re ba nyamišwa ke masetlapelo ao baoki bao ba fetilego go wona.

“Polokego, maphelo le pholo ya megopolo ya bašomi ba rena di bohlokwa kudu mme matshwenyego a bona a swanetše go rarollwa pele kliniki ye e ka bulwa gape,” a realo.

O re Kgoro e ikemišeditše go matlafatša tšhireletšo mafelong a maphelo profense ka bophara go netefatša gore bašomi ba phetha mešomo ya bona ntle le go boifela polokego ya bona.

“Kgoro e ile go šoma le batšeakarolo, maphodisa gammogo le baetapele ba setšhaba go netefatša gore polokego ya maleba e ba gona kliniking ye pele e ka bulwa,” a realo.

Mo lebakeng le, badudi ba eletšwa go hwetša thušo ya maphelo mafelong a mangwe a kgauswi go swana le GaMaja, Soetfontein le Block B go fihla seemo sa kliniki ya GaChuene se rarollwa.

“Re leboga badudi ka go kwišiša le thekgo ya bona ka go netefatša gore maphelo a bašomi ba rena a bolokega,” gwa realo Shikwambana.

Gabjale badudi ba tshwenywa ke gore go tswalelwa ga kliniki ye go beya maphelo a bona kotsing, kudu bao ba hlakago.

“Re ile go hlaka mme bontši bo ile go dula ka malapeng a bona ge ba lwala ka gore ba

hloka mašeleng a go lefela dinamelwa go ya mafelong a mangwe a maphelo go hwetša thušo. Re kgopela Kgoro gore e šome ka lebelo go netefatša gore kliniki ye e bulwa gape,” gwa realo Kedibone Mabotja (49).

Mmoleledi wa maphodisa, Brigadier Hlulani Mashaba, o re ba nyakišiša melato ya go hula, go tšeya ka kgang le go kata.

NOGA E BONWE MOAGONG WA KLINIKI?

MOGALE SEKWELA

ZEBEDIELA: Noga ye kgolo e tswaletše kliniki, badudi ba šala ba palelwa ke go hwetša



Noga e kgolo e bonwe hlakeng ya kliniki ya Mogoto

thušo ya tša maphelo. Badudi ba motse wa Mogoto go la Moletlane ka ntle ga

Polokwane ba ile ba gapeletšega go ya mafelong a mangwe a kgole go hwetša thušo ya tša maphelo. Se se tla ka morago ga gore kliniki ya Mogoto e tswalelwe lebakanyana ka morago ga gore bašomi le badudi ba bone noga ye kgolo moagong wa kliniki.

Ka go boifela maphelo a bona, ba ile ba gapeletšega go tswalela le go tšhabela kliniki ye go fihla noga ye e tšharwa. Tiragalo ye e amile maphelo a badudi gampe ka ge bontši bja bona ba hloka mašeleng a go / ya dikliniking

Tabana Mashita (48) o re go tswalelwa ga kliniki ye go ba tshwentše kudu ka ge ba be ba palelwa ke go hwetša ditirelo. “Bontši bja rena re hloka mašeleng a go/ya dikliniking tše/dingwe. Bbjale re goga boima kudu ka gore re lwala re le ka malapeng a rena. Bontši bja badudi bao ba lwalago ba hlokile kgetho, mme ba gapeletšega go kgotlelela malwetši ba dutšie ka malapeng a bona ka ge ba tshepile kliniki ye. Re be re boifa gore ba bangwe ba ka hlokošana,” a realo.

Ba bangwe ba re noga yeo e ka/ba e fihlile ka kliniking go/tšwa meagong ye/mengwe ya kgauswi yeo e le go matopa. “Dinoga di dula nageng, e se go le batho. Sa go re tshwenya ke gore noga ye e tšwelela gmo gongwe le gmo gongwe mme ya timelela. Ga go/na yo a bolokegilego,” gwa realo modudi (36).

Ba re ba ka se bolokege ebile ba ka se lokologe go šomiša kliniki ye go fihla noga yeo e swarwa, ebile ba ipiletša go mmušo gore o dire se sengwe.

Mmoleledi wa Kgoro ya Maphelo, Neil Shikwambana, o re kliniki ye e butšwie gape ka Labone, 9 Pherekong 2025 ka morago ga gore e tswalelwe matšatši nyana ka morago ga go bonwa ga noga ye kgolo meagong. “Go netefatša polokego ya bašomi le baoki, kKgoro e tšere magato a ka pela, go akaretša le go nyaka batho ba go swara dinoga. Dihlare tša go raka dinoga di gašitšwe mme mašoba ka moka moagong a thibilwe.

“Badudi ba ile ba thuša ka go kolomaka hlwekiša lebala la kliniki. Tše e be e le magato a go netefatša gore tiragalo ya mohuta wo ga e direge gape le go dira gore lefelo le bolokege go bašomi ba rena,” a realo.

tše/dingwe.

YUNIBESITHI YA LIMPOPO E BULA SEMMUŠO MOAGO WA SAENSE YA LEFASE

MOKANE MALATJI

Moago wa manobonobo wo o lebanego baithuti ba yunibesithi ba go ithututela saense o hlwele o bulwa semmušo mabaleng a yunibesithi. Mokete wa go bula moago semmušo o be o tsenetšwe ke baetapele ba yunibesithi, baemedi ba magoši a dinagamabapi (Ga Mothapo le Ga Mamabolo), baemedi ba kereke ya ZCC, bašomi le baithuti ba yunibesithi le boraditaba.

Hlogo ya yunibesithi, Profesa Mahlo Mokgalong, o ile ge a reta bothakga bja rakonteraka godimo ga botse le tebelelego ya moago, a hlatha gore moago woo ke 'Sephatšamaru' (spaceship) sa Yunibesithi'.

"Ye ke kgatelopele go yunibesithi godimo ga



Moago wa Saense ya Lefase Yunibesithing ya Limpopo



Muri Enviro Consulting and Waste Management (Pty) Ltd

NOTICE OF ENVIRONMENTAL IMPACT ASSESSMENT PROCESS

Notice is given in terms of regulation 41 (2) and (3) of the regulations published in Government notice R. 982, 4 December 2014 read with GNR 326, dated 7th April 2017 as amended under sections 24 and 24D of the National Environmental Management Act (Act No.107 of 1998) of intent to carry out the following activity.

Proposed project

AgriHlash (Pty) Ltd has an intention to establish/develop a multi-purpose farming activities which includes poultry, livestock and crop farming at Portion 5 of the Klein Collie 123 LS farm, Mogwadi, within the jurisdiction of Molemole Local municipality, Capricorn District, Limpopo Province, South Africa.

The above activity triggers:

Listing Notice 1, Activity 3

The development and related operation of facilities or infrastructure for the slaughter of animals with a product throughput of- (i) poultry exceeding 50 poultry per day; (ii) reptiles, game and red meat exceeding 6 units per day

Listing Notice 1, Activity 4

The development and related operation of facilities or infrastructure for the concentration of animals for the purpose of commercial production in densities that exceed - (i) 20 square metres per large stock unit and more than 500 units per facility; (ii) 8 square meters per small stock unit and; a. more than 1 000 units per facility excluding pigs where (b) applies; or b. more than 250 pigs per facility excluding piglets that are not yet weaned;

Listing Notice 1, Activity 5

The development and related operation of facilities or infrastructure for the concentration of - (ii) more than 5 000 poultry per facility situated outside an urban area, excluding chicks younger than 20 days; (iv) more than 25000 chicks younger than 20 days per facility situated outside an urban area.

Listing Notice 1, Activity 8

The development and related operation of hatcheries or agri-industrial facilities outside industrial complexes where the development footprint covers an area of 2 000 square metres or more

Listing Notice 1, Activity 9

The development of infrastructure exceeding 1000 metres in length for the bulk transportation of water or storm water- (i) with an internal diameter of 0,36 metres or more; or (ii) with a peak throughput of 120 litres per second or more; excluding where- (a) such infrastructure is for bulk transportation of water or storm water or storm water drainage inside a road reserve; or (b) where such development will occur within an urban area.

Listing Notice 2, Activity 15:

The clearance of an area of 20 hectares or more of indigenous vegetation, excluding where such clearance of indigenous vegetation is required for- (i) the undertaking of a linear activity; or (ii) maintenance purposes undertaken in accordance with a maintenance management plan.

Waste Management Activities 4 & 10 of Category B of GN No. R921

Activity 4 Category B

The treatment of hazardous waste in excess of 1 ton per day calculated as a monthly average; using any form of treatment excluding the treatment of effluent, wastewater or sewage.

Activity 10 Category B

The construction of a facility for a waste management activity listed in Category B of this Schedule (not in isolation to associated waste management activity).

Water Use License (WUL) Section 21(a), (b) and (g) in accordance with the National Water Act-NWA (Act 36 of 1998) listed water uses

Section 21(a) Taking water from a water resource

(b) Storing water

(g) disposing of waste in a manner which may detrimentally impact on a water resource

Proposed site location

Proposed project is located at Portion 5 of the Klein Collie 123 LS farm, Mogwadi, within the jurisdiction of Molemole Local municipality, Capricorn District, Limpopo Province, South Africa.

APPLICANT DETAILS:

Company : AgriHlash (Pty) Ltd

Contact person: Dipitseng Manamela

SITE CO-ORDINATES

South	East
23°18'17.63"	29°23'36.58"

PUBLIC MEETING:

Public meeting will be scheduled based on the registration of the Interested and Affected Parties (I&APs), however you are requested to register your names as I&APs on/before **12 February 2025**.

In light of the above; for you to be identified as interested and affected parties (I&AP) to the proposed development of multi-purpose farming activities. You are hereby requested to register your name and contact information within 15 days and further submit your comments within 30 days from the date this notice was published. Take note that your comments must be submitted on or before the **05 March 2025** to the details below. **Copy of the Scoping Report will be provided to I & APs on request.**

Contact person

Postal address

Contact

E-mail

: Thendo Peterson Nethengwe

: Ofce No: 18, 2010 Centre, Thohoyandou, Limpopo Province, 0950

: 082 538 0734/076415 2690

: murienviro@gmail.com/zwivhuya.mulaudzi@murienviro.co.za

m e n g w a g a y e masomeshelahlano ge esale e hlongwa. Ye ke katlego e kgolo ya yunibesithi yeo ba go etša nna le bao ba ithutilego mengwageng ya bomasomešupa (70s) re bonago tshabologo le phapano e kgolo ge re bapetša le meago ya nako yela.

Ge ke bolela gabjale, Yunibesithi ye e na le moetapele wa mosadi wa motšhanselara (chancellor) wa mothomoso wa mathomo ge esale e hlongwa. Se se be se sa phethagale ka mengwaga ya kua morago," gwa realo Mokgalong.

"Kgatelopele ye e tlo ba mohola go matlafatša ekonomi ya Afrika Borwa ka ge e tlo tšweletša borasaense ba maemom a godimo le tsebo ye e n o p e t š e g o . Sephatšamaru se se tlo sepedišana leeto le Kgoro ya Thuto ya Godimo (Higher Education) fao baithuti ba nyakago tsebo yeo e thušago setšhaba thwii yeo e ba thušago go h u m a n a m e d i r o

gabonolo."

"Ke leboga konteraka ya THAW ge e kgonne go re agela moago wo wa go tšwa pele ka botswerere le bothakga gomme ba o phethagatša ka nako. Wo ke mošomo o mobotse," gwa realo Mokgalong ka boitumelo

Rakonteraka wa moago, Mna. Sibusiso Muanda, o lebogile tšhomišano go tšwa go yunibesithi, badudi go tšwa dinagamabapi tša yunibesithi le bašomimmogo ka yena ka ge mmogo ba kgonne go phethagatša toro ya gagwe ya go agela yunibesithi moago wa go ukamela lefaufau wa diragadibonwe.

"Re ipshinne ka go šoma mmogo le borakonteraka ba mo dinagamabapi tša yunibesithi ka go fapafapana ga bona - ba go penta, ba go lokela dithaele le siling, bjalojalo. Moago wo wa go ba le mahlokgogedi o re tšere lebaka la tekano ya dikgwedi tše masomepedinne go o phetha. Ka gona re kgonne go fetša ka nako," Muanda a realo ge a lahlela mantšu.

MARATHONE WA CDM WA TŠE NNE KA GO O TEE (4-in1)



Meyaraphethiši wa Masepala wa Selete sa Capricorn, Cllr Mamedupi Teffo, nakong ya go thakgolwa ga lebelo la CDM - 4-in-1 la 2025

MMEGI WA SEIPONE

POLOKWANE: “Re kgobokane fa mamohla go thakgola semmušo morero wa go bala matšatši a go re iša go marathone wa CDM wa ‘tše nne ka go o tee’. Re thakgetše go gore ngwaga wo re thakgola lebelo le ka mafolofolo le boikgantšho bja katlego ya rena ya lebelo la 2024. Ka gona, re mo gape go hlohleletša go kitima ka boipshino le go ala sefala sa gore boramabelo ba kgotsofatše dinyakwa tša dimarathone tše dikgolo,” gwa realo Meyaraphethiši wa Masepala wa Selete sa Capricorn (CDM), Cllr Mamedupi Teffo, nakong ya ge a thakgola lebelo ka Labobedi la 14 Pherekgong (Janaware) 2025 lebenkeleng la difatanaga tša mabonwa mo Polokwane.

“Taba ya mmitša ka lebelo le ke gore le swaretše bohle se sengwenyana – boramabelo ba go no kgahlwa ke go kitima, boramabelo ba profeshinale, bomaithutathutane le babogedi bao ba tlelago go reta le go hlohleletša bommamoratwa ba bona. Se se dira gore batseyakarolo ka moka ba be le letšatši la go ikgetha la mabelo le boipshino. Lebelo le le swaretše mang le mang se sengwenyana fela go feta tšohle, go na le difoka tša R170 000 go bao ba ratago go itebogiša ka morago ga go tšwa kudumela. Gape go na le

thekete ya go tsenela lebelo la Marathone wa Comrades go boramabelo bao ba itlhomilego pele bao ba nyakago go ba dikemedi (diambasatara) tša go phagamiša folaga ya rena go lebelo le legologolo mo Afrika,” Teffo a realo ge a bapatša lebelo. “Nepokgolo ya rena ke gore re nyaka go bona go kitima le diatleletiki di eba papadi ya go tuma dimasepaleng tša rena tša selegae, ditoropong le metsemagae. Re thabišwa ke gore marathone wo o gotše fao o fetogilego motswadi yo a šušumetšago dimarathone tša boipshino go selaganya selete. O tsošitše kgahlego ya bosetšhaba go tšwa dileteng le diprofenseng tše dingwe tšeo di phelago di letile lebelo le ka go tseba gore masepala wo o ka se ba nyamiše. Seo ke seo re lego sona – legae la botswerere le menyetla, a realo ka boikgantšho. Teffo o re mabelo a mengwageng ya go feta e bile katlego e kgolo fao a gokilego boramabelo ba magareng ga 2 000 le 3000. O lebogile badirišani ba bangwe ba masepala, kudu Polokwane Athletics Club yeo e thušitšego ka boingwadišo, go ngwala dipoelo le dipeakanyo tše dingwe. O lebogile gape le Mercurius Motors Polokwane yeo e bapetšego karolo e kgolo bjalo ka mothekgi go katlego ya mabelo a 2023 le 2024. Masepala o sa lebeletše

thekgo yeo ge o eya pele.

“Go boramabelo, re le mema go ba le rena gape. Ge e le gore ga se wa ka wa kitima, bofa dieta tša gago tša go kitima, o amogeletlotlo mola o tla ba o kopana le le batho ba bangwe ba go ipshina ka go kitima. Marathone wo ga se feela taba ya go kitima maeto a o motho a ikgethelago wona eupša gape le go ipeela dinepo ka ditoro tšeo o sa kago wa nagana gore o ka di fihlelela. Nepo ya rena ya 2025 ke go goka boramabelo ba 3 500 mme boingwadišo bo šetše bo thomile.

Re mema bohle go ingwadiša. Boingwadišo bja lebelo la 42km esale R300 mola bja 21km bo okeditšwe ka R10 go ya go R210. Etlang le bao le kitimago nabo, bagwera goba badirišani go tšeya karolo go lebelo la 2025 ka di 15 Dibokwane (Febereware) 2025 lepatlelong la kgale la Peter Mokaba,” a realo ge a ruma.



TSEBISO YA KAROLO YA SETŠHABA: TSHEPEDIŠO YA TUMELELO YA TIKOLOGO YE E KOPANTŠWEGO YA IVANPLATS (PTY) LTD PLATREEF YEO E ŠIŠINTŠWEGO SEBAKA SE SE SECHA 1 DRY STACK TAILINGS STORAGE FACILITY APPLICATION

DMR REF: LP 30/5/2/1/10067 MR | LP-00150-MR/102 • ECOE REF: 23-2503-AUTH
PROJECT TITLE: 23-2503-AUTH (Platreef Dry Stack Tailings Storage Facility Project)
LETSATSI LA KGATISO: 22 Pherekgong 2025

Tsebišo e fwa go ya ka Molao wa Diminerale le Methopo ya Petroleamo (Molao No.28 wa 2002) (bjalo ka ge o fetošitšwe) (MPRDA) le Melawana ye e amanago le wona, Molao wa Bosetšhaba wa Taolo ya Tikologo (Molao No 107 wa 1998) (bjalo ka ge o fetošitšwe) (NEMA) go akaretšwa Melawana ya yona ya Tekelo ya Kgahlamelo ya Tikologo (EIA) ye e amanago le yona ya 2014 (bjalo ka e fetošitšwe), Molao wa Bosetšhaba wa D itlakala tša Taolo ya Tikologo, 2008 (Molao No 59 wa 2008) (NEM:WA) le Molao wa Bosetšhaba wa Meelso (Molao No. 36 wa 1998) (NWA), wo Ivanplats (Pty) Ltd, e o dirilego kgopelo a Karolo ya 102 Phetošo ya Tokelo ya Meepo (go ya ka MPRDA) le Tumelelo ya Tikologo ye e amanago le yona (EA) . (go ya ka NEMA). Ditshepetšo tše di dirwa bakeng sa Lefelo le lefisa la Polokelo ya Mešala ya Mkgoboo w o o omilego (DS-TSF) (leo le tsebj ago bjalo ka TSF ya Lefelo le Lefisa la 1 la Mkgoboo wo o Omilego), go hlongwa ga mananeoogoparara a diphaephe go fetišetša ditšhila le go soma meetse magareng ga lefelo la polante leo le dumeletšwego le DS ye Mpsa ya Lefelo la 1 ye e šišintšwego -TSF, tlaletšo ya dishaft tše pedi tša go tsenya moya tšeo di tlogo nyaka go fokotša kgato ya maoto ya Dry Stack TSF ye e dumeletšwego ya lefelong leo go dira kabo bakeng sa e nngwe ya dishaft tša go tsenya moya tše di šišintšwego, go fapantšha dikgatiso tša maoto tše di dumeletšwego tša didirišwa tša go lahla (lefsika la ditlakala) le setoko sa di tšewetšwa tše di dumeletšwego (ROM), le go katološa sepetlele e sa go omiša sa mesela ye e dumeletšwego.

Bjalo ka karolo ya kgopelo ya Karolo ya 102 ya MPRDA, Tokelo ya Meepo ya Meepo wa Platreef e tla fetošwa go akaretša Dikarolo 50, 37 le 27 (tekanyo ye e šetšego) ya polasa ya Uiloop 3 KS yeo go yona TSF ye e šišintšwego ya Sebaka se Secha 1 sa Dry Stack e tlogo ba gona gammogo le k arolo ya Karolo 1 ya polasa Rietfontein 2 KS moo diphaephe tša tlaletšo di lego gona e šišintšwego. Ka fwa Tokelo ya Meepo ye e fetošwego e tla akaretša dikarolo tša dipolasa tše di fapafanagogo go dipolesa go dipolasa Macalacaskop 243 KR, Turfspruit 241 KR, Rietfontein 2 KS & Uiloop 3 KS, tšeo di lego bokgole bja dikhilomithara tše ka bago tše 10 ka leboa la Mokopane.

Eco Elementum (Pty) Ltd, yeo e tsebjago bjalo ka EcoE, e laetšwe ke Ivanplats go dira protšeke ye e feletšego yeo e akaretšago ditšhepetšo tša ditumelelo tša tikologo tša Moepo wa Platreef le thabollo ya meralo ya boentsenere ye e amanago le protšeke. Maikemišetšo a go epa a nyaka dikgopelo tše di latelago le ditumelelo tše di latelago pele ga go thoma:

- Phetošo ya Tokelo ya Meepo (MPRDA): Phetošo ya Karolo ya 102;
- Tumelelo ya Tikologo (Melawana ya NEMA le EIA) e lego: o GNR 983, Tsebišo ya Lenaneo 1– Mešomo 11, 12, 14, 21D, 45, 46 le 56 o GNR 984, Tsebišo ya Lenaneo 2– Mešomo 6, 7, 15, 16 o GNR 985, Tsebišo ya Lenaneo 3 – Mešomo 4, 12, 14, 18 • Laesense ya Taolo ya Ditlakala (NEM:WA): Legoro la B: Mošomo wa 10, 11
- Laesense ya Tšhomišo ya Meetse ye e Kopantšwego (IWUL) (NWA): Bakeng sa go akaretšwa ga tšhomišo ya meetse ye e latelago ya Karolo ya 21 yeo e amanago le protšeke, i.e. Karolo 21 (a), (c), (i), (j) . . go akaretšwa phetošo ya tšhomišo ya meetse ye e lego gona ya Karolo ya 21(g) yeo e amanago le Dry Stack TSF ye e dumeletšwego ya lefelong leo lefelong la Polante go fokotša lefelo la kgato ya maoto go amogela lefelo la shaft ya tlaletšo go ya tsenya moya yeo e nyakagago; Tšhepetšo ya Tekelo ya Sebaka le Kgahlamelo ya Tikologo (S&EIA) bjalo ka ge go laeditšwa ka Melawana ya NEMA EIA, bjalo ka ge e fetošitšwe, le Kgopelo ya La esense ya Tšhomišo ya Meetse ye e Kopantšwego (IWULA) go ya ka Tšhepetšo ya Kgopelo le Tumelelo ya Laesense ya Tšhomišo ya Meetse ya Elekroniki (eWULAA) di tla laelwa.

Mekgatllo ye e nago le Kgahlego le ye e Amegago (I&AP) e laletšwa go ingwadiša le go fa ditšhwayotšhwayo tše di ngwadiwego ka go protšeke ye go Sehlopha sa Kgathatema ya Bagkathatema (se hlalošitšwe ka botlalo ka fase). Ge di romela ditšhwayotšhwayo, di-I&AP di swanetše go lebelela nomoro (dinomoro tša tšhupetšo) ya maleba, gomme di nee ditšhwayotšhwayo tša tšona mmogo le leina la tšona, ditlha tša kgokagano (mkgwa wo o kgethlwego wa tsebišo, mohlala, imeile goba SMS) go motho yo a ikgokaganyago le yena ka mo tlase.

Sethalwa sa Pego ya Sebaka se tla hwetšagala bakeng sa go lekolwa ke setšhaba matšatši a 30 (go tloga ka la 20 Pherekgong go fha ka la 19 Hlakola 2025). Dipego di tla hwetšagala lefelong le le latelago:

Lefelo la setšhaba	Sebaka/aterese
Mogalakwena Public Library	53 Van Riebeeck St, Mokopane
Mahwelereng Public Library	1830 Rufus Seakamela St, Mahwelereng-A, Mokopane
Platreef community liaison offices	Platreef Mine on N11 opposite Tshamahansi Village, Mokopane
Ivanplats main office in Mokopane	7 2nd Street, Trim Park, Mokopane
EcoE Website	https://www.ecoelementum.co.za/downloads/
Ivanplats Community Portal (Maru a Mokopane)	https://ivanhoecommunities.com

Ditšhwayotšhwayo/dipotšišo di swanetše go romelwa go:
Kantoro 012 807 0383 | Imelele vumile@ecoe.co.za | Sele ya 066 526 5099

XITLHOKOVETSELO XA KU HLAYISA VANHU: PHUROSESELE YA MFUMELO WA NDZHAWU LEYI HLANGANIWEKE YA IVANPLATS (PTY) LTD PLATREEF LEYI HUNGHIWEKE NDHAWU LEYINTSWA 1 XIKOMBELO XA XITLHOKOVETSELO XA VUHLAYISELO BYA DRY STACK TAILINGS

DMR REF: LP 30/5/2/1/10067 MR | LP-00150-MR/102 • ECOE REF: 23-2503-AUTH
PROJECT TITLE: 23-2503-AUTH (Platreef Dry Stack Tailings Storage Facility Project)
SIKU RA KU KANDZISIWA: 22 Ndzhati 2025

Xitšiviso xi nyikiwa hi ku landza Nawu wa Timinerali na Switirhišwa swa Petroliyamu (Nawu wa Nomboro ya 28 wa 2002) (hilaha wu cincikewe hakona) (MPRDA) na Milawu leyi fambelanaka na wona, Nawu wa Vuwurwi bya Ntvo-mbango wa Rixaka (Nawu wa Nomboro ya 107 wa 1998) (hilaha wu cincikewe hakona) (NEMA) ku katsa na Milawu ya yona leyi fambelanaka na Nkambisiso wa Vuyelo bya Ntvo-mbango (EIA) ya 2014 (tanihi ku cincinwa), Nawu wa Rixaka wa Matlhari ya Vuwurwi bya Ntvo-mbango, 2008 (Nawu wa Nomboro ya 59 wa 2008) (NEM:WA) na Nawu wa Mati wa Rixaka (Nawu wa Nomboro ya 36 wa 1998) (NWA), lowu Ivanplats (Pty) Ltd, yi wu endleke xikombelo a Xiyenge xa 102 Ndzulamiso wa Mfanelo o ya Migodi (hi ku landza MPRDA) na Mpfumelelo wa Ntvo-mbango lowu fambelanaka na wona (EA) . (hi ku ya hi NEMA). Maendlelo lawa ya endlwa eka Xitirhišwa lexiintšwa xa Vuhlayisele bya Swivala swa Dry Stack (DS-TSF) (leswi tveekaka tanihi New Site 1 Dry Stack TSF), ku simikiwa ka switirhišwa swa tshipayitšo ku hundzilela tailings na mati yo phurosease exikarhi ka ndhawu ya ximilani leyi pfumelerike na DS leyi ringanyetiweke ya New Site 1 DS -TSF, ku engeteriwa ka swiphemo swimbirhi mho ngenhisa moya leswi nga tala lava ku hunguta ku famba ka milenge ya Dry Stack TSF leyi pfumelerike ya le ndzhawini ku endla mphakelo eka yin'wana ya t shaft to ngenhisa moya leyi ringanyetiweke, ku cincinahi mikondzo leyi pfumelerike ya switirhišwa swa lahla (ribye ra thyaka) na xitoko xa swikumiwa lexi pfumelerike (ROM), na ku ndlandlamuxa pheadi yo omisa tailings leyi pfumelerike weke.

Tanihi xiphemu xa xikombelo xa Xiyenge xa 102 xa MPRDA, Mfanelo ya Mugodi ya Mugodi ya Platreef yi ta cincinwa ku katsa Swiphemu swa 50, 37 na 27 (wukulu lebyi saleke) bya purasi ra Uiloop 3 KS leri ku nga ta kumeka eka rona New Site 1 Dry Stack TSF leyi ringanyetiweke xikan'we na xiphemu xa Xiphemu xa 1 xa purasi ra Rietfontein 2 KS laha ku nga na tshipayitšo to engetela ku ringanyetiwa. Hikwalaho Mfanelo ya Mugodi leyi cincikewe yi ta katsa swiphemu swo hambana swa mapurasi ehenhla ka mapurasi Macalacaskop 243 KR, Turfspruit 241 KR, Rietfontein 2 KS & Uiloop 3 KS, lama kumekaka kwalomu ka 10 km en'walungwini wa Mokopane.

Eco Elementum (Pty) Ltd, leyi tveekaka tanihi EcoE, yi rhumeriwile hi Ivanplats ku endla phuroje ke leyi heleleke leyi katsaka maendlelo xo cela xi lava swikombelo leswi landzelaka na mpfumelelo lowu landzelaka ku nga si sunguriwa:

- Ndzulamiso wa Mfanelo ya Migodi (MPRDA): Ndzulamiso wa Xiyenge xa 102;
- Mpfumelelo wa Ntvo-mbango (Milawu wa NEMA na EIA) ku nga: o GNR 983, Xitšiviso xa Nxaxamelo 1– Mintirho ya 11, 12, 14, 21D, 45, 46 na 56 o GNR 984, Xitšiviso xa Nxaxamelo 2- Mintirho 6, 7, 15, 16 o GNR 985, Xitšiviso xa Nxaxamelo 3 – Mintirho 4, 12, 14, 18
- Layisense ya Vuwurwi bya Matlhari (NEM:WA): Xiyenge xa B: Ntirho wa 10, 11
- Layisense ya Matirhiselo ya Mati lama Hlanganiweke (IWUL) (NWA): Ku katsa matirhiselo o ya mati lama landzelaka ya Xiyenge xa 21 lama fambelanaka na phurojeke, i.e. Xiyenge xa 21 (a), (c), (i), (j) na (j), ku katsa na ku cincinwa ka matirhiselo o ya mati lama gona xa Xiyenge xa 21(g) lama fambelanaka na Dry Stack TSF leyi pfumelerike ye le ndzhawini eka ndhawu ya Ximilani ku hunguta ndhawu ya milenge ku amukela ndhawu ya xigwitsirisi xo engetela xo ngenhisa moya lexi lavekaka; Endlelo ra Xikalo na Nkambi siso wa Vuyelo bya Ntvo-mbango (S&EIA) tanihi hi Milawu ya NEMA EIA, tanihilaha yi cincikewe hakona, na Xikombelo xa Layisense ya Matirhiselo ya Mati lama Hlanganiweke (IWULA) tanihi hi Sisiteme ya Xikombelo na Mpfumelelo wa Layisense ya Matirhiselo ya Mati ya Elekroniki (eWULAA) swi ta landzelerwa.

Mavandla lama tsakelaka na lama khumbekaka (I&AP) ya rhambiwa ku tsarisa na ku nyika mavonelo lama tsariweke eka phurojeke leyi eka Xipano xa ku Ngenhelela ka Vakhomaxiawe (leswi hamuseriweke hi vuxoxoxoko laha hans). Loko ti rhumela mavonelo, hi-I&AP ti fanelo ku languta eka nomboro (tinomboro) ya ndzavisiso leyi faneleke, na ku nyika mavonelo ya tona xikan'we na vito ra tona , vuxoxoxoko bya vuhlanganisi (ndlela leyi tsakeriwaka yo tivisa, e.g. imeyili kumbe SMS) eka munhu loyi a tihlanganisaka na yena laha hans.

Xiviko xa Xikalo xa Xitshuriwa xi ta kumeka ku kamberwa hi vaaki ku ringana masiku ya 30 (ku su kela hi ti 20 Ndzhati ku fikela hi ti 19 Hukuri 2025). Swiviko swi ta kumeka eka ndhawu leyi landzelaka:

Ndhawu ya mani na mani	Ndhawu/adirese
Mogalakwena Public Library	53 Van Riebeeck St, Mokopane
Mahwelereng Public Library	1830 Rufus Seakamela St, Mahwelereng-A, Mokopane
Platreef community liaison offices	Platreef Mine on N11 opposite Tshamahansi Village, Mokopane
Ivanplats main office in Mokopane	7 2nd Street, Trim Park, Mokopane
EcoE Website	https://www.ecoelementum.co.za/downloads/
Ivanplats Community Portal (Maru a Mokopane)	https://ivanhoecommunities.com

Mavonelo/swivutiso swi fanelo ke rhumeriwa eka:
Hofisi 012 807 0383 | Imeyili vumile@ecoe.co.za | Sele ya 066 526 5099

NAA GO DIREGA ENG GAGENO? GO NALE DITABA? RE SWARE GO: 015 291 1200